



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Psalmi, Sev Precationes D. Ioan. Fisheri Episcopi
Roffensis**

Fisher, John

Lvgdvni, 1572

Imploratio Divini Avxillii Contra tentationem, cum insultatione contra
dæmones, ex spe & fiducia in Deum.

urn:nbn:de:hbz:466:1-41688

I M P L O R A T I O D I-
V I N I A V X I L I I C O N T R A
 tentationem, cum insultatione contra de-
 mones, ex spe & fiducia in Deum.

Psal. 3

DO M I N E, quid multiplicati sunt qui
 tribulant me? multi insurgunt aduer-
 sum me.

Multi dicunt animæ meæ, non est sa-
 lus ipsi in Deo eius.

Tu autem Domine susceptor meus es,
 gloria mea, & exaltans caput meum.

Ego dormiui, & soporatus sum, & e-
 surrexi, quia Dominus suscepit me.

Non timebo millia populi circundan-
 tis me, exurge Domine, saluum me fac
 Deus meus.

Psal. 5

Domine, deduc me in iustitia tua, pro-
 pter inimicos meos dirige in conspectu
 tuo viam meam.

Quoniam non est in ore eorum veri-
 tas, cor eorum vanum est.

Sepulchrum patens est guttur eorum,
 iudica illos Deus.

Decidant à cogitationibus suis: secun-
 dum multitudinem impietatum eorum ex-
 pelle eos, quoniā irritauerūt te Domine,

Et

Et lætentur omnes qui sperant in te,
in æternum exultabūt, & habitabis in eis.

Domine ut scuto bonæ voluntatis tuæ
coronaſti nos.

Domine Deus meus in te ſperaui, ſal- *Pſal. 7.*
uum me fac ex omnibus persequentiſbus
me, & libera me.

Nequando rapiat ut leo animā meam,
dum non eſt qui redimat, neque qui ſal-
uum faciat.

Exurge domine in ira tua, & exaltare
in finibus inimicorum meorum.

Persequitur inimicus animam meam
ut comprehendat, & conculceret in terra
vitam meam, & gloriam meam in pulue-
rem dederat.

Arcum ſuum retendit, & parauit illum:
& in eo parauit vafa mortis, ſagittas suas
ardentibus effecit.

Ecce parturiſt iniuſtitiam, cōcepit do-
lum, & peperit iniquitatem.

Lacum aperuit, & effodit eum, incidit
in foueam quam fecit.

Conuertetur dolor eius in caput eius,
& in verticem ipsius iniquitas eius de-
ſcenderet.

Confitebor domino ſecūdum iuſtitiam
ihsu

cius: & psallā nomine Domini altissimi.

In pace in idipsum dormiam & requiescam,

Quoniam tu Domine singulariter in spe constituisti me.

Psal. 9

Miserere mei Domine, vide humilitatem meam de inimicis meis.

Et sperant in te, qui nouerunt nomen tuum Domine, quoniam non dereliquerūt quærentes te Domine.

Et factus est Dominus refugium pauperi, adiutor in oportunitatibus in tribulatione.

Vt quid Domine recessisti longè, despicias in oportunitatibus in tribulatione?

Quoniam non in finem obliuio erit pauperis, patientia pauperum non peribit in finem.

Exurge Domine Deus, exaltetur manus tua, ne obliuiscaris pauperum.

Tibi derelictus est pauper: orphano tueris adiutor.

Desiderium pauperum exaudiuit Dominus: præparationem cordis eorum audiuit auris tua.

Dominus in templo sancto suo, Dominus in cælo sedes eius.

Oculi

Oculi eius in pauperem respiciūt: palpæbrae eius interrogant filios hominum.

Propter miseriam inopum & gemitum pauperum nūc exurgam, dicit Dominus.

Domine Deus meus in te sperauit, saluum me fac ex omnibus persequentibus me, & libera me.

Vsquequo Domine obliuisceris me in *Psal. 12* finem? vsquequo auertis faciem tuā à me?

Quamdiu ponam consilia in anima mea, dolorem in corde meo per diem?

Vsquequo exaltabitur inimicus meus super me? respice, & exaudi me Domine Deus meus.

Illumina oculos meos, ne vñquam obdormiam in morte: ne quando dicat inimicus meus, præualui aduersus eum.

Qui tribulant me, exultabunt si motus fuero: ego autem in misericordia tua sperauit.

Exultabit cor meum in salutari tuo: cātabo Domino qui bona tribuit mihi, & psallam nomini Domini altissimi.

Conserua me Domine, quoniam spe- *Psal. 15* raui in te: dixi Domino, Deus meus es tu, quoniam bonorum meorū non eges.

Perfice gressus meos in semitis tuis, *Psal. 16*

G

vt non moueantur vestigia mea.

Mirifica misericordias tuas, qui saluos
facis sperantes in te.

Psal. 15 Prouidebam Dominum in conspectu
meo, quoniam à dextris est mihi, ne cō-
mouear.

Propter hoc lætatum est cor meum,
& exultauit lingua mea, insuper & caro
mea requiescat in spe.

Psal. 17 Tu illuminas lucernam meam Domi-
ne Deus meus, illumina tenebras meas.

Quoniam in te eripiar à tentatione, in
Deo meo transgrediat murum.

Deus meus impoluta via eius, eloquia
Domini igne examinata, protector est
omnium sperantium in se.

Quoniam quis Deus præter Dominū,
aut quis Deus præter Deum nostrum?

Psal. 21 Ego autem sum vermis & non homo,
opprobrium hominum, & abiectio plebis.

Omnes videntes me deriserunt me, lo-
quuti sunt labijs, & mouerunt caput.

Tu es qui extraxisti me de ventre, spes
mea ab uberibus matris meæ, in te pro-
iectus sum ex utero.

De ventre matris meæ Deus meus es
tu, ne discesseris à me.

Quoniam

Quoniam tribulatio proxima est, quoniam non est qui adiuuat.

Tu autem Domine ne elogaueris auxilium tuum à me, ad defensionem meam conspice.

Et si ambulauero in medio vmbrae mortis, non timebo mala, quoniam tu tecum es.

Virgo tua & baculus tuus ipsa me confortata sunt.

Ad te Domine leuaui animam meam,
Deus meus in te confido, nō erubescam.
Psal. 24

Neque irrideant me inimici mei, etenim vniuersi qui sustinent te non confundentur.

Delicta iuuentutis meæ & ignoratiæ meas ne memineris.

Secundum misericordiam tuam memento meitu, propter bonitatem tuam Domine.

Propter nomen tuum Domine propitiaberis peccato meo, multum est enim.

Oculi mei semper ad Dominum quoniam ipse euillet de laqueo pedes meos.

Tribulationes cordis mei multiplicatæ sunt, de necessitatibus meis erue me.

Vide humilitatem meam & laborem

Gij

meum, & dimitte vniuersa delicta mea.

Psal. 26. Dominus illuminatio mea, & salus mea, quem timebo?

Dominus protector vitæ meæ, à quo trepidabo?

Si consistant aduersum me castra, non timebit cor meum.

Si exurgat aduersum me prælium, in hoc ego sperabo?

Vnam petij à Domino, hâc requiram, vt inhabitem in domo Domini omnibus diebus vitæ meæ.

Vt videam voluntatem Domini, & visitem templum eius.

Exaudi Domine vocē meam qua clamaui ad te, miserere mei, & exaudime.

Tibi dixit cor meum, Exquisuit re facies mea, faciem tuam Domine requirā.

Ne auertas faciem tuam à me, ne declines in ira à seruo tuo.

Adiutor meus esto, ne derelinquas me, neque despicias me Deus salutaris meus.

Credo videre bona Domini in terra viuentium.

Expecta Dominum, viriliter age: confortetur cor tuum: & sustine Dominum.

Ad te

Ad te Domine clamabo, Deus meus *Psal. 27.*
ne sileas: ne quando taceas à me, & assi-
mulabor descendantibus in lacum.

Psallite Domino sancti eius, & confi- *Psal. 29.*
temini memorie sanctitatis eius.

Quoniam ira in indignatione eius, &
vita in voluntate eius.

Ad vesperam demorabitur fletus, &
ad matutinum lætitia.

Auertisti faciem tuam à me, & factus
sum conturbatus.

Ad te Domine clamabo, & ad Deum
meum deprecabor.

Quæ utilitas in sanguine meo, dum
descendo in corruptionem?

In te Domine speravi, non confundar *Psal. 30.*
in æternum, in iustitia tua libera me.

Inclina ad me aurem tuam, accelera
ut eruas me.

Esto mihi in Deum protectorem, &
in domum refugij, ut saluum me facias.

Quoniam fortitudo mea & refugium
meum es tu, & propter nomen tuum de-
duces me, & enutries me.

Educes me de laqueo quem abscon-
derunt mihi: quoniam tu es protector
meus.

In manus tuas Domine commendo spiritum meum, redemisti me Domine Deus veritatis.

Miserere mei Domine, quoniam tribulor, conturbatus est in ira oculus meus, anima mea & venter meus.

Quoniam defecit in dolore vita mea, & anni mei in gemitibus.

Infirmata est in paupertate virtus mea, & ossa mea conturbata sunt.

Super omnes inimicos meos factus sum opprobrium, vicinis meis valde, & timor notis meis.

Qui videbant me foras fugerunt à me: obliuioni datus sum tanquam mortuus à corde.

Factus sum tanquam vas perditum: quoniam audiui vituperationem multorum commorantium in circuitu.

In eo dum conuenirent simul aduersum me, accipere animam meam consiliati sunt.

Ego autem in te sperauit Domine, dixi, Deus meus es tu, in manibus tuis fortes meæ.

Illustra faciem tuam super seruum tuum, saluum me fac in misericordia tua

Do-

Domine, non confundar, quoniam in-
uocauit te.

Quàm magna multitudo dulcedinis
tuæ Domine, quam abscondisti timen-
tibus te!

Ecce oculi Domini super timentes *Psal. 32.*
eum, & in eis qui sperant super miseri-
cordia eius.

Vt eruat à morte animas eorum, &
alat eos in fame.

Anima nostra sustinet Dominum, quo-
niam adiutor & protector noster est.

Quia in eo lètabitur cor nostrum, &
in nomine sancto eius sperauimus.

Fiat misericordia tua Domine super
nos, quemadmodum sperauimus in te.

Accedite ad eum, & illuminamini, & *Psal. 33.*
facies vestræ non confundentur.

Immittet angelus Domini in circuitu
timentium eum, & eripiet eos.

Gustate & videte, quoniam suavis est
Dominus, beatus est vir qui sperat in eo.

Timete Dominum omnes sancti eius,
quoniam non est in opia timentibus eum.

Diuites eguerunt & esurierunt, inqui-
rentes autem Dominum non minuentur
omni bono.

Iuxta est Dominus his qui tribulato
sunt corde, & humiles spiritu saluabit.

Psal. 35. Filij hominū in tegmine alarum tua-
rum sperabunt, inebrabuntur ab yberta-
te domus tuæ.

Quoniam apud te est fons vitæ, & in
lumine tuo videbitis lumen.

Psal. 37. Domine ne in furore tuo arguas me,
neque in ira tua corripias me.

Quoniā sagittæ tuæ infixæ sunt mihi,
& confirmasti super me manum tuam.

Non est sanitas in carne mea à facie
iræ tuæ, non est pax ossibus meis à facie
peccatorum meorum.

Quoniam iniquitates meæ supergressæ
sunt caput meū, & sicut onus graue gra-
uatæ sunt super me.

Putruerunt & corruptæ sunt cicatrices
meæ à facie insipientiæ meæ.

Miser factus sum & curuatus sum us-
que in finem: tota die contristatus ingre-
diebar.

Quoniam lumbi mei impleti sunt illu-
sionibus: & non est sanitas in carne mea.

Afflictus sum & humiliatus sum nimis:
rugiebam à gemitu cordis mei.

Domine, ante te omne desiderium
meum:

meum: & gemitus meus à te non est absconditus.

Cor meum conturbatum est, dereliquit me virtus mea: & lumen oculorum meorum, & ipsum non est mecum.

Amici mei & proximi mei, aduersum me appropinquauerunt & steterunt.

Et qui iuxta me erant de longè steterunt, & vim faciebant qui quærebāt animam meam.

Et qui inquirebant mala mihi, loquuti sunt vanitates: & dolos tota die meditabantur.

Ego autem tanquam surdus non audiabam: & sicut mutus non aperiens os suum.

Et factus sum sicut homo non audiēs, & non habens in ore suo redargutiones.

Quoniam in te Domine speravi, tu exaudiens me Domine Deus meus.

Quia dixi, Nequando supergaudeant mihi inimici mei, & dum commouentur pedes mei, super me magna loquuti sunt.

Quoniam ego in flagella paratus sum, & dolor meus in conspectu meo semper.

Quoniam iniquitatem meam annun-
tiabo, & cogitabo pro peccato meo.

Inimici autem mei viuunt, & confirmati sunt super me: & multiplicati sunt, qui oderunt me iniquè.

Qui retribuunt mala pro bonis, detrahebant mihi, quoniam sequebar bonitatem.

Ne derelinquas me Domine Deus meus, ne discesseris à me.

Intende in adiutorium meum, Domine Deus salutis meæ.

Psal. 38. Dixi, Custodiam vias meas, ut nō delinquam in lingua mea.

Posui ori meo custodiam, cùm constiteret peccator aduersum me.

Obmutui, & humilitatus sum, & silui à bonis, dolor meus renouatus est.

Concaluit cor meum intra me, & in meditatione mea exardescet ignis.

Loquutus sum in lingua mea, notum fac mihi Domine finem meum,

Et numerum dierū meorum quis est, ut sciam quid desit mihi,

Ecce mensurabiles posuisti dies meos, & substātia mea tanquam nihil ante te.

Veruntamen vniuersa vanitas, omnis homo viuens.

Veruntamen in imagine pertransit homo,

mo, sed & frustra conturbatur.

Thefaurizat, & ignorat cui congregabit ea.

Et nunc quæ est expectatio mea? nónne Dominus? & substantia mea apud te est.

Ab omnibus iniquitatibus meis erue me, opprobrium insipienti dedisti me.

Obmutui, & non aperui os meū: quoniam tu fecisti, amoue à me plagas tuas.

A fortitudine manus tuæ ego defeci, in increpationibus propter iniquitatem corrupuisti hominem.

Et tabescere fecisti sicut araneam animam eius, veruntamen vanè conturbatur omnis homo.

Exaudi orationem meam Domine, & deprecationem meam: auribus percipe lachrymas meas.

Ne fileas: quoniam aduena ego sum *Psal. 39.* apud te, & peregrinus, sicut omnes patres mei.

Remitte mihi, ut refrigereret priusquam abeam, & amplius non ero.

Beatus vir cuius est nomen Domini spes eius, & non respexit in vanitates, & insanias falsas.

Multa fecisti tu Domine mirabilia tua,
& cogitationibus tuis non est qui similius sit tibi.

Tu autem Domine ne lōgē facias miserationes tuas à me, misericordia tua & veritas tua susceperunt me.

Quoniam circundederunt me mala, quorum non est numerus: comprehenderunt me iniquitates meæ, & non potui ut vid̄rem.

Multiplicatæ sunt super capillos capitum mei, & cor meum dereliquit me.

Complaceat tibi Domine, ut eruas me: Domine ad adiuuandum me respice.

Exultent & lætentur super te omnes quærentes te, & dicant semper, magnificetur Dominus, qui diligunt salutare tuum.

Ego autem mendicus sum & pauper, Dominus solitus est mei.

Adiutor meus & protector meus tu es, Deus meus ne tardaueris.

Psal. 41. Quemadmodum desiderat cœruus ad fontes aquarum, ita desiderat anima mea ad te Deus.

Situit anima mea ad Deum fontem

vi-

viuum, quando veniam, & apparebo ante faciem Dei?

Fuerunt mihi lachrymæ meæ panes die ac nocte, dum dicitur mihi quotidie, vbi est Deus tuus?

Hæc recordatus sum, & effudi in me animam meam, quoniam transibo in locum tabernaculi admirabilis usq; ad dominum Dei?

In voce exultationis & confessionis sonus epulantis.

Quare tristis es anima mea? & quare conturbas me?

Spera in Deo, quoniam adhuc confitabor illi, salutare vultus mei, & Deus meus.

Ad meipsum anima mea conturbata est, propterea memor ero tui de terra Iordanis & Hermonij à monte modico.

Abyssus abyssum inuocat in voce cataractarum tuarum.

Omnia excelsa tua & fluctus tui super me transierunt.

In die mandauit Dominus misericordiam suam & nocte canticum eius.

Apud me oratio Deo vitæ meæ, dicam Deo, Susceptor meus es.

Quare oblitus es mei? & quare contristatus incedo, dum affigit me inimicus?

Dum confringuntur ossa mea, exprobauerunt mihi qui tribulant me inimici mei.

Dum dicunt mihi per singulos dies, ubi est Deus tuus?

Quare tristis es anima mea? & quare conturbas me?

Spera in Deo, quoniam adhuc confitebor illi, salutare vultus mei, & Deus meus.

Psal. 45. Deus noster refugium & virtus: adiutor in tribulationibus quae inuenierunt nos nimis.

Propterea non timebimus dum turbabitur terra: & transferentur montes in cormaris.

Sonuerunt & turbatae sunt aquae eorum: conturbati sunt montes in fortitudine eius.

Fluminis impetus laetificat ciuitatem Dei: sanctificauit tabernaculum suum altissimus.

Deus in medio eius non commouebitur, adiuuabit eam Deus mane diluculo.

Psal. 50. Miserere mei Deus secundum magnam misericordiam tuam,

Et

Et secundum multitudinem miserationum tuarum, dele iniquitatem meam.

Amplius laua me ab iniestate mea:
& à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccaui, & malum coram te feci: ut iustificeris in sermonibus tuis, & vincas cùm iudicaris.

Ecce enim in iniitatibus cōceptus sum: & in peccatis concepit me mater mea.

Ecce enim veritatem dilexisti: incerta occulta sapientiæ tuæ manifestasti mihi.

Asperges me hysopo, & mundabor:
lauabis me, & super niuem dealbabor.

Auditui meo dabis gaudium & lātiam. & exaltabunt ossa humiliata.

Auerte faciem tuam à peccatis meis:
& omnes iniquitates meas dele.

Cor mūdum crea in me Deus: & spiritum rectum innoua in visceribus meis.

Ne proijcas me à facie tua: & spiritū sanctum tuum ne auferas à me.

Redde mihi lātitiam salutaris tui: & spiritu principali confirma me.

112 PREC A T. EX PSALM.

Docebo iniquos vias tuas: & impij ad te conuertentur.

Libera me de sanguinibus Deus, Deus salutis meæ: & exultabit lingua mea iustitiam tuam.

Domine labia mea aperies: & os meū annuntiabit laudem tuam.

Quoniam si voluisses sacrificium dedissem: utique holocaustis non delectaberis.

Sacrificium Deo, spiritus contribulatus: cor contritum & humiliatum, Deus non despicies.

Benigne fac Domine in bona voluntate tua Sion, ut ædificantur muri Hierusalem.

Tunc acceptabis sacrificium iustitiae oblationes & holocausta: tunc imponent super altare tuum vitulos.

Psal 54 Exaudi Deus orationem meam, & ne despexe: is deprecationem meam, int̄de mihi & exaudi me.

Cor meum conturbatum est in me, & formido mortis cecidit super me.

Timor & tremor venerunt super me, & contexerunt me tenebræ.

Et dixi, Quis dabit mihi pennas sicut columbe

columbae, & volabo, & requiescam;

Iacta super Dominum curam tuam, &
ipse te enutriet.

Nonne Deo subiecta erit anima mea? *Psal. 61*
ab ipso enim salutare meum.

Nam & ipse Deus meus, & salutaris
meus, susceptor meus, non mouebor
amplius.

Quousque irruitis in hominem? inter-
ficitis vniuersi nos, tanquam parieti incli-
nato, & maceriæ depulsæ?

Veruntamen Deo subiecta esto anima
mea, quoniam ab ipso patientia mea.

Quia ipse Deus meus, & Saluator
meus, adiutor meus, non emigrabo.

In Deo salutare meum, & gloria mea,
Deus auxilij mei, & spes mea in Deo
est.

Sperate in eo omnis congregatio po-
puli, effundite coram illo corda vestra,
adiutor Deus noster in æternum.

Semel loquutus est Dominus, duo hec
audiui, quia potestas Dei est, & tibi Do-
mine misericordia, quia tu reddes vni-
cuique iuxta opera sua.

Deus, Deus meus, ad te de luce vi. *Psal. 62*
gilo.

Sitiuit in te anima mea , quām multi-
pliciter tibi caro mea.

In terra deserta, iuuia, & inaquosa, sic
in sancto apparui tibi : vt viderem virtu-
tem tuam, & gloriam tuam.

Quoniam melior est misericordia tua
super vitas : labia mea laudabunt te.

Sic benedicat te in vita mea , & in
nomine tuo leuabo manus meas.

Sicut adipe & pinguedine repleatur
anima mea : & labijs exultationis lauda-
bit os meum.

Sic memor fui tui super stratum meū,
in matutinis meditabor in te , quia fuisti
adiutor meus.

Et in velamento alarum tuarum exul-
tabo : adhæsit anima mea post te: me su-
scepit dextera tua.

Ipsi vero in vanum quæsierunt animā
meam, introibunt in inferiora terræ, tra-
dentur in manus gladij , partes vulpium
erunt.

Rex verò latabitur in Deo: lauda-
buntur omnes qui iurant in eo : quia ob-
structum est os loquentium iniqua.

Psal 66 Deus misereatur nostri , & benedicat
nobis, illuminet vultum suum super nos,
&

Vt cognoscamus in terra viam tuam,
in omnibus gentibus salutare tuum,

Confiteantur tibi populi Deus, confi-
teantur tibi populi omnes.

Lætentur & exultent Gentes, quoniā
iudicas populos in æquitate, & gentes in
terra dirigis.

Confiteantur tibi populi Deus, con-
fiteantur tibi populi omnes, terra dedit
fructum suum.

Benedicat nos Deus, Deus noster, be-
nedicat nos Deus, & mctuant eum om-
nes fines terræ.

FINIS.

H ij